

Na osnovu člana 72. Zakona o javnim nabavkama BiH (Sl.glasnik BiH 39/14) a nakon provedenog Konkurentskog zahtjeva za nabavke usluge: **Punjenje vatrogasnih aparata LOT 3032**, sa sukcesivnom isporukom usluge za potrebe, KJKP GRADSKI SAOBRAĆAJ D.O.O. SARAJEVO, zaključuje se:

OKVIRNI SPORAZUM O NABAVCI USLUGE: Punjenje vatrogasnih aparata LOT 3032

Između:

1. **KJKP GRADSKI SAOBRAĆAJ D.O.O. SARAJEVO**, ul. Srđana Aleksića br.1, koga zastupa Generalni direktor Mr.sci.Almir Ahmetpahić dipl.ing.saob., s jedne strane /u daljem tekstu: Ugovorni organ /
2. **VATROTEH INŽINJERING d.o.o.Sarajevo**, ul.Igmanska bb Vogošća-Sarajevo, Reg. br. 065-O-Reg-12-000750, ID BR. 4201733350008, PDV BR. 201733350008, TR. RN. BR. 3386902234763521 kod UNICREDIT bank d.d., koga zastupa Nevzet Avdagić- direktor, s druge strane (u daljem tekstu:vršilac usluge).

Član 1.

Ovim okvirnim sporazumom ugovorene strane regulišu okvirna pitanja vezana za realizaciju nabavke usluge: **Punjenje vatrogasnih aparata LOT 3032**.

Član 2.

Predmet ovog ugovora je sukcesivna nabavka usluge: **Punjenje vatrogasnih aparata LOT 3032** od firme **VATROTEH INŽINJERING d.o.o.Sarajevo**, kojem je dodjeljen Okvirni sporazum Odlukom o izboru najpovoljnijeg ponuđača Ugovornog organa broj 05/451 od 20.7.2020 god. a koji je proveden po Konkurentskom zahtjevu objavljenog na Portalu javnih nabavki 28.5.2020 god.

Član 3.

Vršilac usluge se obavezuje da će Ugovornom organu izvršiti uslugu iz člana 1 ovog Sporazuma, pod uslovima i jediničnoj cijeni kao što je naznačeno u prilogu ovog Sporazuma (Anex 3 – Tehnički podaci i elementi ponude) koji čine njegov sastavni dio.

Vrijednost nabavke usluge po ovom ugovoru iznosi: 15.625,00 KM bez PDV-a, odnosno 18.281,25 KM sa PDV-om za period od jedne godine od dana potpisivanja Okvirnog sporazuma. Način i uslovi plaćanja: 60 dana po izvršenju usluge.

Član 4.

Količine navedene u prilogu ovog sporazuma nisu obavezujuće za Ugovorni organ, tako da isti zadržava pravo na promjenu količine i nabavku samo onih količina koje su mu potrebne. Okvirni sporazum se zaključuje na period od jedne godine od potpisivanja Okvirnog sporazuma, odnosno maksimalne finansijske vrijednosti okvirnog sporazuma navedene u članu 3 stav dva sporazuma.

Član 5.

Vršilac se obavezuje da će uslugu izvršiti Ugovornom organu u roku od 10 dana od dana prijema narudbenice za izvršenje usluge. Vršilac će izvršavati a Ugovorni organ preuzimati ugovorenu uslugu prema dispoziciji Ugovornog organa, a na temelju narudžbenice za određenu vrstu i količinu usluge.

Član 6.

Kvalitet usluge mora odgovarati važećim propisima o kvalitetu usluge u BiH.

Vršilac daje garanciju za izvršenu uslugu od 6 mjeseci od dana izvršenja usluge.

Vršilac se obavezuje izvršavati uslugu kvaliteta i proizvođača kako je to naveo u obrascu Tehnički elementi ponude.

Uz svaku izvršenu uslugu Vršilac se obavezuje dati odgovarajuće ateste ili certifikate ukoliko usluga podliježe atestima i certifikatima.

Kvalitativni i kvantitativni prijem usluge iz ovog sporazuma Ugovorni organ se obavezuje obaviti odmah po izvršenju usluge. U slučaju da Ugovorni organ pri izvršenju usluge utvrdi da usluga na bilo koji način ne zadovoljava,za istu će odmah tražiti izvršenje nove u najkraćem mogućem roku.

U slučaju da Ugovorni organ naknadno utvrdi razliku u izvršenoj količini ili da kvaliteta ne odgovara Ugovorni organ će sačiniti komisijski zapisnik kojeg će najkasnije u roku od tri dana dostaviti vršiocu radi otklanjanja uočenog nedostatka. Vršilac se obavezuje da otkloni uočeni nedostatak u roku od tri dana po prijemu zapisnika.

Član 7.

Na osnovu ovog okvirnog sporazuma ugovorne strane će zaključiti pojedinačne ugovore kojima će se bliže regulisati prava i obaveze za realizaciju ovog okvirnog sporazuma. Pojedinačne nabavke odnosno ugovor obavezno će biti pod uslovima utvrđenim u tenderskoj dokumentaciji i prihvaćenoj ponudi. Sve što nije regulisano ovim sporazumom ili pojedinačnim ugovorom sklopljenim na temelju ovog sporazuma primjenjivat će se odgovarajuće odredbe zakona o obligacionim odnosima.

Član 8.

Vršilac usluge je obavezan, prilikom potpisivanja ugovora dostaviti mjenicu sa mjeničnom izjavom u iznosu od 10 % od ugovorene vrijednosti Okvirnog sporazuma sa rokom važnosti od dana zaključivanja okvirnog sporazuma do isteka važenja okvirnog sporazuma + 30 dana . Ukoliko vršilac usluge, u vrijeme potpisivanja ugovora, ne dostavi bezuslovnu bankarsku garanciju ili mjenicu iz stava 1. ovog člana, a sporazum se potpiše, primjenjivat će se odredbe člana 125 Zakona o obligacionim odnosima.

Član 9.

U okviru perioda važenja ovog okvirnog sporazuma koji je naveden u članu 4. za pojedinačne nabavke neće se primjenjivati odredbe propisa kojima se uređuje postupak javne nabavke.

Član 10.

Cijene iz ovog sporazuma su nepromjenjive u toku važenja sporazuma. Prema izjavi vršioca usluge (Izjava je sastavni dio tenderske dokumentacije).

Član 11.

Odredbe ovog okvirnog sporazuma ne mogu se mijenjati nakon njegovog zaključenja.

Član 12.

Ovaj okvirni sporazum stupa na snagu nakon potpisivanja obje ugovorne strane. Ukoliko Vršilac usluge ne ispuní uslov vezan za garanciju za dobro izvršenje posla u roku regulisanom u tački 8 sporazuma smatrat će se da ovaj sporazum nije ni zaključen.

Član 13.

Sve eventualne sporove ugovorne strane će rješavati mirnim putem a ukoliko to nije moguće za rješavanje spora nadležan je Općinski sud u Sarajevu.

Član 14.

Ovaj okvirni sporazum je sačinjen u /4/ primjerka, od kojih ugovorni organ zadržava tri /3/, a vršilac usluge /1/ primjerak .

ZA DOBAVLJAČA

DIREKTOR



Broj: 1162/20
Datum: 11.08.2020



Mr. sci. Almir Ahmetpahić dipl.ing.saob.

Broj: 10615
Datum: 06-08-2020

Handwritten signature